

রেজিষ্টার্ড

মাসিক পত্রিকা

বিষ্ণুপ্রিয়া ভাষায় ইকরা  
মাহুরা সাহিত্যিক পত্রিকা-  
হানর দাম ২৫ নং পঃ বা  
১০ চারি আনা। বছরে  
রূপা তিনহান আগে দিয়া  
পত্রিকা হান লোদেনার্কী  
হাবিরে অনুরোধ কররী।  
সম্পাদক



বিষ্ণুপ্রিয়া ভাষার মুখপত্র  
সম্পাদক—শ্রীকুঞ্জবাবু সিংহ রাজবংশী।

বিঃ দ্রঃ—রূপা কোষাধ্যক্ষ  
মদন মোহন সিংহ রাজবংশীর  
নামে দাপেঠাদিবাং।

সম্পাদক

১ম বর্ষ ]

সেপ্টেম্বর, ১৯৬১ ইংরাজী।

[ ৯ম সংখ্যা ]

## সম্পাদকের কথা

মি মেরাক মেরাকে খবর পাউরী যে অনেক গ্রাহকে  
পত্রিকা না পেয়তারা। মি গ্রাহক হাবিরে হেইচা করিয়া  
মাতুরী যে নিজর নিজর পোষ্টাফিসর নিজর নিজর পিয়নগরে  
প্রেমল আত করিয়া থয়লে পত্রিকার গোলমাল নায়তই।  
আইনল তারে ধরিয়া থনা নোয়ারিয়ার। আমার ভাষা সম্বন্ধে  
পারদর্শী অকুরা অতি কম। উহানল লেখক গিরিগিথানীয়ে

সাহিত্য সভাত তিলয়া নিজর নিজর দোষ গুণ ঠিক করিয়া  
নিয়া দিবাংগা। সাহিত্য সভারকা দাপেঠেয়ার কবিতা,  
পদ্য উতা হাবি জমা থয়ার। ১০ম সংখ্যাহান সাহিত্য সভার  
পিছেদে বিলি অয়তই। সরকারী অফিসে চাকুরী করতার  
গিরিগিথানীর পত্রিকা ১১শ সংখ্যার লগে দাপেঠাদিতাঙাই।

## বিচারশালার খেলা

[ প্রিয়ব্রত ]

[ ১ ]

তাং—প—অ। য়ারিহানর নাংহান ছনিয়াই উছুটন  
খেয়া না পড়বাং। এ জাতর খেলা আহান অয়লতাই পূর্ব  
কাছাড়র হরকাং গাঙ আহানাত। গাঙহান হরকাং অয়লো  
দলাদলি, আর হিংসা হিংসীর মাঝে এ গাঙ এহানর জুড়ি  
নেই। কনাক ছাত্র কতগ তিলয়া সংঘ আগ খুলল। ও  
সংঘউগর কাম অয়লতাই—দেশর কনাক শোরে ব্যায়াম  
হিকানি, অবসর সময়ত উতারে লেরিক বাগাদেনা, ছর্নীতি  
দমন করানি, আরতাউ আছে।

আরাক দল আহানে চেইতারাতাই ও সংঘ উগ ভাগেদেনা

কিতা মাততু আর, এ বিরোধী দল এহানৌ ছাত্রর দলহান।  
এ য়ারি এহানর নায়কগ অয়তাই ও বিরোধী দল  
উহানর গণ্যমাণ্য নেতাগ। মোর পাপ মনহান! ছদ্ম মানুর  
খুঁত বিছারার। গাঙহানর নাংহান গোপন করিয়া মি  
বুলিয়া য়ারিহান অকরতো।

শ্রীপুরর হমবুকুত ডাঙর পছরি আগ আছে, গাঙহানাত  
আকগ পছরিগ হানতে দিনে রাতিয়ে সবসময় মান্নয়ে গল গল  
করতার। আকদিন বিয়ানে ও পছরীউগর গিরিউগর  
পাঁচ ছয় বছরর বেয়কশৌগ হিনাত আছেছে, সময় উহানাত  
মোর য়ারিহানর নায়ক শ্রীমান্ গিরক হিনাত আহিল। মান্ন



আকগৌ নেইহান দেখিয়া শৌগরে হিকেইল, 'মোরে বিনি বুলিছ'। কিত্তাও হারনাপার শৌগ হানতে শ্রীমানরে বিনি বুলিয়া ডাহের ঔ দিনেত্ত। আকদিন শৌগর মালক গাছিয়ে হনিয়া শ্রীমানরে নিয়াম আপমান করলা।

[ ২ ]

কতদিন পিছেকার কথা। উষা গিথানক তাপ্প তাপ্প কাকেই কারিয়া আহিরি; বিয়াম ফুয়নির সময়। কিত্তার কাদানি আর লৌদানির শব্দ আহান হনিয়া ঘুমন্ত উঠলু। খালকরানির খানিপপারাউ অবসর নেই। চর আহেছি মনে করিয়া লাঠিআগ আতহানাত লইয়া লৌগ দিশা করিয়া ঘুমর আনিং শানিং উহানল দাপদিলু। ফামহানাত গিয়া চেইতে গাতে চর নাগই বরজি লাগেছেতা। কাদার পহরিউগত্ত আক-তাই পানি বয়া, আকতাই কাছা তিঙেয়া জিগ নিভেইলাং। ঠিক সময় উহানাত আমার শ্রীমান্ গিরক আতহানাত হুজা আহান ধরিয়া হাজির অয়লা। পামপলগ নাছেয়া নাছেয়া পুলছি গিরগিথানি হাবিরে মাতের,—বরএগ চরে জি লাগাছিতা মি নিজে দেখলু। আমি হাবিয়ে ঙাকয়া চেইলাং, এহান হাবি আমি বরগর জিগ নিভেয়ার এহানাত তারে না দেখেছি, অথচ কাদাং তার বরগ। সংবগর ছাত্রকতগই আগরে আগই চেয়ার, আমার আহিগির মুণ্ডেত কালা পদ্দা আহান ছেচে যারগা—চরর কি স্বার্থ মান্নর বর জি লাগেয়া?

হাংকা বিনি বুলেছিল শৌগ এ বরর শৌগ। কতদিন পিছেদে ঔ বরউগর নিঙলআগর বিয়া। কিন্তু বিয়ার দিন উহান শ্রীপুরেত্ত টেলিগ্রাম আহান বরগর বরে গেছেগা, যে বরগ জি লাগিয়া গেলগা হানতে বিয়াহান আপাততঃ স্থগিত থাক। এ টেলিগ্রাম এহানর বিষয়ে কণ্ঠাগর ভেয়কে কিত্তাউ হারনাপাছে।

আকখুলি বনকগর বিয়াহান, কতি হিন পেয়া বিয়ার সরঞ্জাম যোগার করেছেতা ভেয়ক উগই। যেবাংকা এ টেলিগ্রাম এহানর কথাহান হনল লগে লগে তা পাংলগ পারা অয়ল। কিন্তু বরগর বরর মান্ন উতাই চালাক অয়তে গা কণ্ঠাগ লগ্ন ভ্রষ্টা নাইলি। সংবর ছাত্রর ভলান্টিয়ারিতে বিরোধী দলর উতাই কোন গোলমাল বাধেইল স্বেযোগ না পেইলা। বিয়াহান

নির্বিঘ্নে লয়ইল।

[ ৩ ]

আগে মাংলু সংবউগর কার্যতালিকার হাদিত "দুর্নীতি দমন" করানি বুলিয়া চুটি আগ আহেহানতে সংবর ছাত্র এতার উত্তোগে কণ্ঠাগর ভেয়কে বিচার আহান ডাকল। লয়াগর গণ্যমাণ্য গিরগিথানি হাবি পুলইলা। টেলিগ্রাফ পোষ্টমাষ্টারর সাক্ষীতে প্রমাণ অয়ল যে, শ্রীমান গিরক এ টেলি এহানরকা দায়ী, তা কণ্ঠাগর ভেয়কর নাঙে টেলি করেছেতা। এ রহস্য এহান নিকুলানির লগে আরাক দোষী আগ নিকুলিল, উগতে আমার বিচারক গিরকর ভেয়কর পুতক। ভেয়কর পুতকর দোষহান দেখিয়া বিচারক গিরকর দামী মগজ উগৎ বুদ্ধি আহান নিকুলিল—হজক পিয়ের আরি উগল বিচারক গিরকে ভেয়কর পুতকরে কিলাত গেলগা, বারিহান আঙানিতে ফাংনেই লৌসিংপা ভেয়কর পুতক উগ ধাপ দিয়া সালইল। দ্বিতীয় দোষীগ ধাপদিল! গাঙর চৌকিদারগ লগে আছে, কিন্তু বিচারক গিরকর তরফেত্ত কোন আদেশ নাইল, দোষীগরে ধরিয়া আনানির।

এফিরকার বিচারে বর জি লাগাকুরা দোষীগ নিকালানি নিয়াম মাতানি পারা, বর জিলাগাকুরাগৌ আমার আগে চিনেছে শ্রীমান গিরক। এবাকাতে শাস্তি দেনার পালা। আঞ্চলিক পঞ্চায়েতর সভাপতি আগরতা শারিরীক শাস্তি দেনার অধিকার নেই হানতে আদালতর সাহায্য নেনারকা বুলিয়া হাবিয়ে পরামর্শ দিলা। কিন্তু বিচারক গিরক গম্ভীর অয়া খালকরাত লাগিল, মোর মনে অর—এতারে শাস্তি দিতে গেলেগা ভেয়কর পুতকরৌ শাস্তি দেনা লাগতই বুলিয়া নেই কিতা নেই বিচারক গিরক পেইরাককরে উঠিয়া শ্রীমানর গালগ লাক্করিয়া চাপর ছুহান আহান দিল। তারপর বর জি লাগানির অপরাধী আগরতা নিষ্কৃতি। সভাহানর হাবিয়ে প্রতিবাদ করলা, কিন্তু বিচারক গিরক নির্বিকার যেন দ্বোরে জিঙানিরতা তারকান্নুরের বর দেছে মহাদেব আঙতোষ।

লয়নির পরে ছুনিয়ার বিচারক হাবির দরবারে মোর

[ পঞ্চম পৃষ্ঠায় ]



## খামতলর হজকারী

শ্রী হৈন্দ্র কুমার সিংহ।

সাজো ওঝা চেয়ার হানাত গারিগো এরাদিয়া ছাত্রের  
বারেয়া মাতলো—“মাত্তা, ঘোড়ার জাং কয়হান?”

গারিগো কেজা কেজা পচা উবা অয়ল। লগে লগে  
উত্তরহান সেংকরে নিবেদন করল।

—“ওঝা, জাং আটখানা।”

—“তেজ, তেজ।”

সাজো ওঝার কথায় পচা হারো অয়া বহিল। খৌতুগত  
নিংশাহান নিকালেয়া পিঙ্গলা নাড়ীয়েদে বেলে। খাংখা  
পালহারবারে যেসাদে জাপানর আক্রমণ চলেছিল উসাদে  
পচার গজে ওঝা একরাশা বোমা বেলানি অকরলো।  
অংখিগী পাকদিয়া থতাহান ভঙ্গী করিয়া সাজো ওঝা  
মাংলো—“গেইঙিতকর পতক! অলম্বুষ তো অলম্বুষ, ডুফা  
তো ডুফা, হইলু ডুফা; আটঠেং পালপা ঘোড়াতে কুরাং  
দেখেছিলেতা?”

অংখির পট মারিল সময় নৈয়েল। পচার পিঠিত  
ডিনামাইট ফাটল রৌহান কানহানিত বারিদিল। মরম  
উৎসবর লাঠি খেলোয়াড়গোর ডেকী পচা আত-জাঙ বারো  
দেহগোরে ভঙ্গী করিয়া মাংলো—“ওঝা মিতে বলদার বারো  
ঘোড়ার জাঙ বুলিয়া আকসাটে—”

কথা লয়নাইল। খপ্প লুফ করিয়া ওঝা মাংলো—  
“হেমাবুতা; অলম্বুষ—কালুয়া অহং খাং!”

পচা পিঠিহান আতা আতা বহিল। কথার আর  
জোয়াব নাংলো। কিয়া বুলে, আরাকৌ কথার আর আড়া-  
আড়ি মানে নিয়াম দহিনা পানার বুজ করানী। রেজিষ্টারী  
হানাং নাংহান অসিলতাই মদন। কিন্তু প্রচলিত নাংহান  
অসিলতাই পচা। স্থলভ সংস্করণ পচা নাং এহান স্থলে ভণ্ডি  
অনার পিছেই রাজসংস্করণ অয়ল। পচা নাংহান মদনে  
রূপান্তরিত অয়ল। কিন্তু মদন নাং এহান বাজারদরে না  
বিকিল। স্বয়ং ভগবান শ্রীকৃষ্ণ একশ আটহান নাংঅর  
মালিক অয়লেতে কিতা অয়ব! মালক যশোদারাংতে

হৌ ‘নন্দভূলাল’। নাং আহানর মালিকগো মদন। তাই  
পচা নাং এহান ছাড়া কতিরৌ বা নিয়াম আশা করত?

পচার গারিগোর বাট চানার মত। মূলঠুমা পেটার্ণ।  
তাই ছাত্র মহলে ‘ঘণা’ বুলিয়া আংশিক পরিচয় অছিল।  
তার চরিতে, কামে, কথায় বারো ভাবে হাবিরাংত আলাদা  
বিশেষত্ব আকচুটি অছিল। স্থল তাম করানী তার উপলক্ষ্য।  
জীবনর লক্ষ্য ড্রাইভারী। হাবি সন্মিত ড্রাইভারর একটিং।  
গাড়ি চালানির কথা।

আকদিন সাজো ওঝা কতগো ফুলরনাং বারো হৌপাতর  
নাং ছাত্রের আং করল। পয়লাত্ব পুরি হাবিয়ে উত্তর দিয়া  
ওঝারে হারো করল। খামতলে পচার পালা পড়িল।

—“কইতে পচা মাংবেনায়—” সাজো ওঝার হুকুমহান  
জারী অয়ল। পচা উবা অয়া পয়লাই স্থলগোর মুণ্ডে অছিল  
ফুলউতা চেয়লো। এরপিছে জোয়াব দিল—“মুরতার ফুল,  
বান্দরর লাঠির ফুল, গকুলার ফুল, চিকংলেই!”

—“তেজ, তেজ! এবাকাতে হৌপাতর নাং মাত—”  
কথাং ফুট দিলহান দেখিয়া পচা আরাকৌ হারো অয়া  
মাতলো—

—“কন্তল, মিয়াং টটুরা, তকপা নিংকং, ঠাকেইচলা,  
নানিয়া—”

—“ফারে, ফারে! হৌর নাং মাত—”  
—ভেরেণ্ডী, খাটলর আঠি, মুখি, লতা, হেইকীরি, হা—,  
কথাহান হুনানীর লগে ছাত্র হাবির বুক, শ্রাং, শ্রাং তুগ,

তুগ করানী অকরলো। পচা কিন্তু হেলায় লক্ষ্য করিলাম জয়  
বুলিয়া ব্রেঞ্চিহানাং বহিল। হাবি থম্ থম্ ভাব। নিং  
করলা উহানর ব্যতিক্রম নাইল। ওঝার মেইখাহান  
গম্ভীর অয়া অছিল। হাতে হাতে কেশব ধৃত নরহরিরূপ  
বেশ ধরাণী অকরলো। ঔরূপ উহান দেখানির লগে লগে  
পচার অংখিগী মান্দ্দাম করানী অকরলো। ওঝা নারগো  
উদারার পদ্দাহানাং থয়া মাংলো—“তোরে কীতালো বারতন



করতু—দীবালা, গুলুপা না চেপ্টা !

সাজো ওঝার খোয়ালগৎ তিন জাতি অস্ত্র আছিল। গুলুপাছাপা বুকুর—বোমার শ্রেণীভুক্ত। দীবালা ছাপা তিংখুল ফেপনাস্ত্র শ্রেণীভুক্ত। চেপ্টা চাপড় রকেট শ্রেণীভুক্ত বলে পারিয়ার। উতা এরেনেনার আগেই ছাত্র লগে ওঝা কথা পাকাপাকি করতৈ। এর পিছে আক্রমণর পালা।

পচা মুরগো নঙেয়া থাইল। উছর লুমপাগর ডেকী ব্যাং ব্যাং আকেই খুম চার। পিঠিত জলদ তেতালা বাজতৈ এহান পচা হারপেয়া লয়করলো। তাই পানির কাটাগো অয়া থাইল।

সাজো ওঝা চেয়ারহান এড়াইলো। ফেইচম হানর গুনজাগ ঠিক করানী অকরলো। অবশ্য ওঝার ঘন ঘন গুনজা ঠিক করানীর পিছনে ডাঙর ইতিহাস আহান আছে। ওঝা দশআতি ফেইচম হানরে এমন ভাবে পিদের যে পাঁচ আত গাধা অয়লেও পাঁচআত ন্যা অয়া থানা। তাই পিদানীত অনেক কেরামতি আছে। পনরদিন পাঁচ আতলো চালেয়া থর। বাকী পনর দিন মকতক মধ্যে থছিল পাঁচ আতলো চালার। মাহানাং আকফির ধইলেই কারবার ফতে।

দোকানেছ পুরি ফেইচম লনার প্রয়োজন না পড়ের। আশ্বিন মা'র দুর্গা পূজা লয় অয়লে বামনগর ঘরে গিয়া কম দামে কাতকরা ফুতি লয়া আনেরগা। যেতাউ অক। গুনজাগ ঠিকঠাক করিয়া সাজো ওঝা পচারে মাংলো 'হে হইলুডুফা। তর মুরগর গবরর পেইলিগ কুংবাকা নৈয়েতৈতা !' এর পিছে একটিং করানি অকরলো—

‘অথচ সকল হতে ডাগর ডোগর

পড়াতে সকলের পাছে পাছে।

এতবলি গালি দিলে গুরুমহাশয়

শরমেতে মাথা পেতে হেট করে রয়।’

কিন্তা আহান নাকরলো পচারে। হাতে হাতে চেয়ারহানাং বহিলগা।

অমাটিক মারাত্মক ঘটনা এহানরে সাজো ওঝা কিন্তা আহান না করলো এহানর পিছে আরাক যারী আহান

আছে। স্থলে আহানীর পিছেই ওঝা উবাকা পেয়া ধুমা না আয়লোহে। এ ব্যাপারে পচার সাহায্য বিনা উপায় নেই। গাবধরা উপারারীগর খোনিগৎ মৈনিংগো ফিট করানি। উগর গজে হজক হাজেয়া টিকিগো লাগেয়া উপারারীগর পূর্ণ রূপ দেনা পুরা পচার গজে। একমাত্র পয়লাকার ধুমা নিকালানির অংশহান গ্রহণ নাকরের। অবশ্য সুর্যোগ পেইলে খানি আহান উহানাতো পাংকরদের। খুশ মেজাজে সাজো ওঝা ডাকলো “পচা”।

—“ওঝাকিয়া—”

—‘কইতে এবাকা পেয়া নাপিয়া থাইতু—’

হারোহানে পচা হারোপা পোআহান দিলো। ওঝারকা খামিরা আনেদেছে। খামিরা শব্দ এগ কানে বারি দেনা লগে লগে ওঝা মহাশয় চিং। পচারে মাতানি অকরলো— ‘হে অলম্বুষ, তরে দাবাউরী এহান তরে আল্লিপেয়া নাগৈ মাষ্টরে কি ছারে আল্লিপেইতারাতা? হুদা তুমি মান্ন অয় বুলিয়া পাঠশালাত হোভা অয়লে গজেদে হোভা অয়তারায়। পিছে মরে আপ্পানো নিংশিং অয়তারায়।’

—“না ওঝা কিন্তাউ নেই—” পচা জোয়াব দিল।

খামিয়ার হজকারী পচা ওঝার আতে নিবেদন করে দিলো। খানি পিছেই ওঝা বং বং ধুমা নিকালানি অকরলো।

পচা খানি থায়া মাংলো—‘ওঝা মরতা তাপ তাপ করের— মি ঘরে জিংগা।’

ছনানী ফাং নেই ওঝা উঠিয়া পচার মেইথং হানাত আত-হান দিলো। তাপহান উঠেছেহান হারপেয়া মাতলো— ‘হেমাবুতা, আগেদেতে কিয়া নামাংলে! যাগা যাগা জবর অয়লে কালি স্থলে নাহিস।’

পচা লেরিক হাবি শিলট হানর গজে হাজেইলো। পেন্সিল বারো ফরি কলম বাটুগর ভিতরে বরেয়া মাকুমহানলো বন্ধ করলো। মুকখুর ঝতাহানর ভিতরে মুকখুগে থইলো। হাতে হাতে উবা ওঝা ওঝারে নুমস্কার দিয়া দোয়ারহানর বাহিরে গেলগা।

ওঝা পচারে ডাকদিয়া মাংলো—‘সাবধান অয়া চলিছ।’



জবর অয়লে খবর দিছ মি তালাবী করিমতা।

হায় ওয়া। হাতে হাতে পচা হাবির মিলেঙেত্ব নেয়গেলগা।

\* \* \* \*

তিন দিন পার অয়া গেলগা। স্কুলেত্ব গেলগা পিছে পচা  
আর ফিরিয়া নাহিল। আকুবালা স্কুল ত্যাগ করলো। ছাত্র  
হাবিরে পাঁচ মিনিট কাল উবা অয়া পচার মৃত আত্মাগো  
ভগবানর খৈয়াত মুক্তি পাকগা বুলিয়া প্রার্থনা জানেইলা।

তার শূণ্য ফাম উহানাদে চেয়া আখির পানিলো মারপ হাবিয়ে  
সমবেদনা জানেয়া দিলা। সাজৌ ওয়া টেবিলহানর গজে  
মুরগো থয়া নারগো নিকালো নিকালো কাঁদিয়া আছে। বাপক  
স্কুলগর ভিতরে রৌমেলো মেলে কাঁদে কাঁদে গড়াগড়ি দেয়। এর  
পিছে ছাত্রহাবি পচার মৃত দেহগর পিছে পিছে শূশানে  
গেলগা।

### বিচারশালার খেলা

[ দ্বিতীয় পৃষ্ঠার পর ]

অভিযোগ আহান আছে,—তানু যেন সামান্য সম্মানরকা  
বুলিয়া এ পবিত্র বিচার নাং এহানরে কলুষিত না করেদের।  
দোষীগরে শাস্তি দিতে য়েগর আতহান নিকরে ঔগ বিচারকগ

নাগই। এ ভার এহান নিয়াম ভরিহান, এহান নিয়াম  
দায়িত্বপূর্ণ ভারহান।

## বিষ্ণুপ্রিয়া ভাষার অভিধান

মি কিতাউ না জানু অধম এগই বিষ্ণুপ্রিয়া সমাজর  
সেবাহান পানা মনেয়া মোর ইকরা বিষ্ণুপ্রিয়া ভাষার অভিধান  
হানাত দশ গিরীগিথানীর হোভা দৃষ্টিহান পানা মনেয়া মাত্র  
অক্ষর দুগর শব্দার্থ ফাণ্ড পত্রিকাহানাং তুলে দিলাং। বানান  
বারো অত্যা তুল ভ্রান্তি অনেক কিছু থায়তই। ফাণ্ড পত্রিকা-  
হান নিকালেয়া সমাজর ভাষাহান স্কুলর পাঠ্য লেখিক হিসাবে  
নিকালানিরকা ধন, মন প্রাণ দিয়া লাগেছে মদন মোহন সিংহ  
রাজবংশী গিরকে আহের পূজার বন্ধে নিজস্ব খরচে সাহিত্য

সভার দ্বিতীয় অধিবেশন হান করতই, ঔগভাহানাং সংশোধন  
করতাঙাই। সভার দিনে আরাকৌ শব্দার্থ দিয়া অভিধান  
হানরে পুষ্ট করানিরকা সমাজ সেবী দশ গিরীগিথানিরে মি  
নিয়াম অনুরোধ কররী।

সেবকাধম—

শ্রীললিত সিংহ

সাং—কৃষ্ণনগর (সিংলা)

(ক)

শব্দ	অর্থ
ক, ক, ক, =	ছাড়ানি
কাকাড়া =	তালা (কাকাড়া জীব)
কেকেইল =	কেকানি (হিম্পেইলে হীন উহান সাংকরাণিকা যে শব্দহান করিয়ার)
কুকি ডেইনী =	জীব আগর নাওহান (শিকাপক্ গরাংত জিঙিয়া ডাঙর ফরদিভারা জীব)

কং কং =	ছকানা জিনিষর শব্দহান।
কক =	আঘাত করাণি (যেমন কক দিল)
কেকে =	তালেবর, মুড়েইপাগ।
কোকিল =	পাখীয়াগ।
কুকাল =	খেয়া থতা ধনা
ককড়া =	বেকা
কলনা =	গুজনি।
কণা =	ককাড়া



কাঁকড়া =	গাছ বা কাঁড়র নাড়।
কাঁকুতি =	মিনতি
কেকে মাগপি =	সংকতন্তঃ জয়পাল
কেকপাণ্ড =	মুণ্ডেইপা।
কেকুক =	খেলাহানর নাড়
কুকি =	পাহাড়ি।
কৌ =	আংধানল কুদানি
কৈ =	কুশ্পেইত, মাছ আগর নাড়
কাকৈই =	জাতির পাহা
কং =	ফরসিতারা পকগ।
কাংগু =	গাছ জাত আহানর নাড়।
কাংনি =	বহু আগর অংশহান।
মহিমল =	ধান বা ধানর গুঠি আস্থানির বহুহানর অংশহান।
কাংকাল =	গাছ জাত আহানর নাড়।
কাংকাল =	লত মাংকেইর পাতা পাড়া হজকর গাছ।
কিং =	খাদুকুরি জীবগ।
কাংলা =	বরগ।
কেং =	চৌরাং
কেঙর =	ছত্র আস্থালিগ।
কঙালা =	নরক
কচু =	গাছ কাড়র নাড়।
কেচুয়া =	ক্রিমি, জীব বিশেষ।
কুচ =	নিয়াম (কপা কুচ আহান আছে)
কচুপি =	পানিহান।
কচালা =	কুতিহান কচালা।
কুজ =	ধর বা নাওহান।
কাংচেই =	খেলাব আন্তিয়ারহান।
কেতুকাব =	গারিগর হারোপা অবহাহান।
কাতি =	চুল কাপানির আন্তিয়ারহান।
কাতিয়া =	বারগর কাতিয়া।
কইচানো =	ছানিয়া পিনিয়া থানা।
কিতাপারা =	দৈবাং

কেথক =	হারোপা ভড়ি
কেচ =	কেচকরে কানর দিল ;
কট =	ছিনিয় হানর নাওহান
কাঠি =	মালা ডাল
কাঁচুয়া =	পানীর জীব।
কাটা =	চকনি যেমন নোয়ায়াই গারিগ কাটাগ অয়ল। মনর কাটা, দশাহান কাটা।
কটরা =	কৌটা।
কুট কুটি =	জীব বিশেষ। বাহার কুট কুট।
কাথাই =	ফল বিশেষ।
করম =	গাছ বিশেষ। তরা করে আটানি।
কাম =	ইঞ্জির বিশেষ, কাম করানি।
কানা =	দরকার বিশেষ।
কাথায় =	বেলের মত এক প্রকার ফল।
কানা =	আখি আগর মাথগ।
কানাম =	বাহাগর গজর ডালাহান।
কহন =	চুচর কহন।
করু =	দলান।
কনাক =	অন্ন বয়স।
কুমি =	ধান কুমি।
কনা =	ভাল গাছ
কোনা =	গাছ বিশেষ।
কেনেন কেনেন =	পেটগর বেদনাহান।
কেন কেনাব =	হাতে ২ কামারানি পেটগর বেবনা
কিনাতিগ =	কেইচমর কিনাতিগ।
কোন =	কোনগ।
কাছি =	ক্রোধ, শৌণ্ডনি।
কাহা =	কুতি বিশেষ।
কেপ =	নারিকলর কেপ।
কুপ =	মাথগ হিসাবহান কুপে। কুপ করে চেরা থাইছ।
কেপাকর =	হো আছে



কপ—	জহামিহান। কপকরে ধরল।	কীর—	তীর।
কাপ—	আধা আত। কাপকরা নোয়ারা।	করি—	তামা।
কপা—	অচল অনা। কপা অরা আটানি নোয়ারলু।	করেই—	চৌল ডালা, আবিজুরি করেই থম পায়া
কৌপিন—	বৈফবর কৌপিন।	কেরং—	জন্ত বিশেষ।
কাপার—	খাক।	কবি—	লেখক।
কজা—	বিবাহর পাজীগ।	কবরেই—	কাভয়া নোয়ারা।
কুকা—	দল, তেংকল, গুর।	কুৎস—	ধনপতি।
কবচেরো—	পাখীয়া বিশেষ।	কুমপিং—	নোয়ারা বিশেষ।
কোয়া—	পাখীয়া।	কুমঝালুক—	বিজালা পক জাত আহান।
কবাং—	লুড়ি জাত আহানর নাঙ।	কড়া—	বেদনাজাত আহান (জাহান কড় কড়েছে)
কবাঝা—	কুল জাত আহানর নাঙ।	কব—	আটা, খাটলর কব।
কেমচা—	ভাত বাদে এই পাত থেয়তারাউতা।	কুশ—	গাছ বিশেষ।
কিঙ্গা—	কিতাপারা।	কুশামণ—	কুশর আশিন।
কুম—	কুমপারা কালা, লামবেলেহাউ।	কেশালি—	চলানির অকমতা বড়া থানা।
কুম কুম—	কুমকুম কস্তরী, কুমকুম হুবেবেলেই।	কিবিম—	তঙাল।
কুমেই—	হারো পার এলানাচ।	কামপা—	গাছ বিশেষ।
কেমচা—	আকরে কেমচা নাখেই।	কেং পাচল—	গাছ বিশেষ।
কেম কেমার—	অতিরিক্ত হুকানি।	কুকম—	হোকাহিল। মহিব হুগ কুকমক থেড়ইলা।
কামিলা—	কান করেকুর।	কুফুম—	ককার।
কুপেই—	কোন কামে।	কুরি—	ফুলর কুরি, মাহুর জাত আহান।
কুমনি—	লামানি।	কুড়ি—	বিশ সংখ্যা।
কমিন—	গালিহান।	কুরল—	ককজাত আহান।
কম—	লেটর কম বা গাত, দাত।	কালাকুরা—	ককজাত আহান।
কমর—	কমর চা পাল। লৌ আগর নাঙ, যাতর।	কালা—	কালবস্ত্র।
কব—	মনিপুরর কুকি জাত আহান।	কালি—	রং বিশেষ, বিহানর কালি।
কাবুলি—	কাবুল দেশর মাল।	কালী—	জৌগ।
কাবু—	যোগং।	কামান—	যুগর আভিয়ার।
কাবাক কাবাক—	খানি খানি।	কল—	যন্ত্র বিশেষ, কৌশল।
কাই জাং—	গঙ্গেদে উঠানি।	কলম—	পেন্সিল।
কাপ্পাক—	গাছ জাত আহান।	কলো—	বেকা।
কমাল—	কল জাত আহান।	কলি—	বাটি।
কুপ্পি—	হেইনো জাত আহান।	কোলি—	লাগানি বা কথাবাস্তার তর্ক বা মারামারি।



কল্লিং—	জঙ্গার বিশেষ ।
কন্টুম—	বস্ত্র বিশেষ ।
কলচাক—	রূপার কলচাক ।
কেলইল—	অতিরিক্ত অয়া মাড়য়া কানা ।
কহাং—	সংস্কৃতে কবা ।
কেহেম—	ফল বিশেষ ।
কোহাং—	দারোয় টুকরা ।
কেহরিয়া—	এক রকম গাছ ।
কাহরা—	কঠিন নোয়ারা ।
কাংহ—	কাহেবেলা, কাহক ।
কাহানি—	বাজারে কানি ।
কয়লা—	এক প্রকার আলানি জিনিষ ।
কয়না—	বুলানি ।
কয়া—	পতা ।
কয়চাংনা—	অনাচার ।
কেচুরী—	পানীর গাছ বিশেষ ।
কুষ্টি—	জনমর তালিকা ।
কুম্ফো—	বরণর এলাং লেইপাক কুম্ফো কইলা বুলিয়া আহান আছে ।
কাদা—	বিত্তা ।
কাদানি—	সংস্কৃতে ক্রন্দন ।
কোদাল—	আতিয়ার বিশেষ ।
কন্তল—	গাছ বিশেষ ।
কন্তা—	কলাকলি কতানি ।
করাপা—	দুষ্টি বুনানির যন্ত্র আগ ।
কক্‌নাম—	পলেট সাজর নাং আহান ।
কুয়াল—	খতাহানর খাটাংহান
কুলি—	কামিলা বিশেষ বা খতা ধোয়া সেকরানি ।
কামিনী কুয়ুম—	দুলজাত আহানর নাঙ ।
কর—	খাজানা, আত, কোন কাম করানি (ক্রিয়া বিশেষ)
কবাং—	রক চিহানির আতিয়ার বিশেষ ।

কাচি—	আতিয়ার বিশেষ ।
কচুপাতি—	বং বিশেষ ।
কশা—	কাম ।
ককজ—	লকেই বা জাত বিশেষ ।
কাই—	জিলকগারে কাই বুলতারা ।
কাম্পীত—	কাম্পিত পিরানি ।
কানা—	দরজার ।
কারিকাকাম—	কাষণ কায়দা ।
কারি—	বিহয়, কারণ ।
কাকিয়া—	মাছ বিশেষ ।
কমলা—	ফল বিশেষ ।
কেজগ—	লকেই বিশেষ ।
কইসাংলা—	লকেই বিশেষ ।
কেইনাপো—	লকেই বিশেষ ।
কম্পারাকাম—	বামনর জাত আহান ।
কায়া—	অঙ্গ ।
কাস মালিকা—	মুংসিল ।
কজ—	উদারি ।
কজাক—	এরিয়া ।
কচ্চিং—	কাউকে কিতাপায়া ।
কটকিনা—	ছাক্তি, নিংচেলহান ।
কাঙো—	হকনা ভাজি ।
কারাকারী—	আপুলা আপুলা ।
কেমস্তা—	জিদর কথাহান ।
কাঙা—	বাগহংস ।
কুণ্ড—	গাত বিশেষ, বমর কুণ্ড ।
কচমা—	ডগা ।
কপাল—	নিরাল ।
ককটা—	পালিশ নেয় ।
কয়ুক—	পানির কয়ুক ।



## অন্তিম সময় হানাত প্রভু!

শ্রী কৃষ্ণধন সিংহ, সহঃ পণ্ডিত

নিত্যানন্দপুর মধ্যম বিদ্যালয়, জাফরবন্দ (কাছাড়)

( ১ )

হায় হান, আছত তি ফল ফুলর মাঝে পৃথিবীর, হার  
পাছু নি জীব হাবির মাঝে প্রকাশ অয়া আছত। হাগ  
বৌর মাঝে বারো পৃথিবীর যত গ্রহ বিদ্রুত তোব হোতা  
রূপহান আমারে হামেশাই দেখোয়াব।

( ২ )

হুদি মন্দিরগত প্রভো,—তোরে কত কলনা করি,  
বিভোর অয়া খাউরি নি, পাহরকারি ছুখর দাবন, আখিগি  
ঝিমিয়া পেলনায়া কত করি আরাধন, অন্তরর ভাব ভক্তির  
পুজাল পান্না মনাউরী তোব চরণ।

( ৩ )

মোরতা আর নেয়ল আশা দিছ তোব চরণ ছিয়হানি  
তাল করিছ প্রভো অন্তিম সময়ে মাগুরী ভিক্ষাহানি।

## হেইসিংপা

শ্রীকুঞ্জবানু সিংহ, শিবেরগুলা।

কতি হোতা চেইতে—

হেইসিংপা মাহুগরে,

মুগ্ধি দিয়া কান করতে

খিন যারগাতা বাবাদে।

মাতুরী মি তারে আজি,—

হে গিরক! নেই তোব ডেকি,

হেইসিংপা মাহু এলাদে,

মাপেইতাগাই বিছারলেউ কুপকরে।

( আধুনিক গান দুহানি )

লেখক—শ্রীগৌর কিশোর সিংহ

## সখি

তি সখি আহিতেই বুলিয়া—

এ জোনাকর পথে

আশায় আশায় পথ চেইয়া

অজানাতে আছু বহিয়া ॥

লিবি লিবি বউহানে,

পাতে পাতে নাছাহানে,

হপন-মধু-মায়া রচিয়া

অজানাতে আছু বহিয়া ॥

মাগরর ডেউয়ে ডেউয়ে,

কোকিলর রো-য়ে রো-য়ে,

হুদি মোর উতলা অইয়া

অজানাতে আছু বহিয়া ॥

## হনেদে

হনেদে, তি হনেদে, মোর কথাচুটিহান

হনেদে, তি হনেদে ॥

কি যে আছিল মায়া তোব,

কালো দগী আখির কুলে,

আহান নীরব চাহনিত

মোরে অজানিতে তি করলে আপন।

হনেদে, তি হনেদে, মোর কথাচুটিহান ॥

জীবনর পাত আহান আহান করিয়া

হাতে হাতে পড়িল বসিয়া

(তবু) গভীর রাত্তিরে আঁচনা কম্পনে

অতীত আগের নীরব কথনে

আধো ঘুমে চমকে আজো প্রাণ।

হনেদে, তি হনেদে, মোর কথাচুটিহান ॥



## আহ হাবিহান

শ্রীচন্দ্রবদন সিংহ, গণিরগ্রাম।

[ ১ ]

আহ আহ মালকর শৌ  
 আজি আহ হাবিহান।  
 হাবিহানে আজি আকতা অয়া  
 মালকর নাঙে জয়ধ্বনি দিয়া  
 ডাঙর করানি মালকরে আমি  
 আমার পড়েছে কামহান।  
 পড়েছি হাবিতা করানিত আমি  
 দে'খে হ'নে আল নাই অনে তুমি,  
 জুনিয়ার তুলো আকতা করতে  
 নিজর মালকর নাঙে,  
 লাফ, ডর হাবি দুরেইত বেলেই  
 আহনে করিক কাম।

[ ২ ]

কমছেতা নাগই খানি পাৰা  
 নিজর হাবিতা আছে।  
 নিজর ভালো নিজে ডাঙর অনা,  
 নিজর উতা হাবি ধরাক' থনা,  
 উতালো নিজর মালকরে ডাঙর  
 করানি কামহান আছে।  
 নিজর ভালো মালকরে আমি  
 ডাঙর করতে না আলায়ঙ তুমি  
 বারো উলান্দে ডাঙর অয়তে  
 মাত্তয় কথা কুংগই ?  
 হাবিতা থায়তে নেই বলে থানা  
 আমার কামহান নাগই।

[ ৩ ]

মাহুয়ে দেখানির আগে অ'হিল  
 আমি হাবি দেখিয়ার।  
 নেইতা নাগই হাবিতা আছে,  
 আমার অ'হিত ধরা পড়েছে,  
 মাহুয়ে হারপা নারতাই খানি  
 জ্ঞপ মালকর আমার।

হোভা নেই হাবিতা দুরেই ক'রে  
 হোভা ভালো বারো মুয়া ক'রে  
 জুনিয়ার তুলো আকতা করানি  
 আমি হাবি পারিয়ার,  
 উলান্দে বলি আমার আন্তে আছে  
 ডর খানি নাপেয়ার।

[ ৪ ]

আমি হাবিহান আকতা অয়া  
 পর আহান হিমপেয়ালে,  
 জনমকারকা নাংহান ধাব  
 জুনিয়া ভিতরে কাম আমার  
 করানির পথে হাবির হোভা  
 কাম করানি পারলে।

উতারকা আজি হাবিহান আহ  
 গিরকরে! হাবিহানে ডাহ,  
 হিন, জুখ হাবি দুরেইত বেলেই  
 ধরিক মালকর নাংহান,  
 করিক ডাঙর জুনিয়ার মাং  
 এহান আমার কামহান।

[ ৫ ]

আমি নায়েলে আমার মাং  
 আরতা মাহু কুংগো ?  
 আমার মাং আমি হাবিতা  
 দে'খে হ'নে ডাঙর করতাঙায়তা  
 উহান নায়েলে কুংগই আমারে  
 দেখা দিতই মাহুগো ?

আমার জালো আমি উবা অনা,  
 মালকরে ডাঙর করিয়া থনা  
 জুনিয়ার মাং আমি বিনে আর  
 নেই মালকর বলিহান  
 উতারকা, আজি ডাহরি, শৌ  
 মালকর আহ হাবিহান।



শ্রী কালী কুমার সিংহ, বাগদাসন।

আমার অতীত কালের সভ্যতা ও সংস্কৃতির রূপ কিতা  
আছিল তার পৃষ্ঠে ধারণা নাইলে বর্তমান যুগের বিকুপ্রিয়ায়  
সাধনার মূল্য কি হারণা নোয়ার তাড়াই। আর আমার  
সমাজের ভবিষ্যৎ আদর্শ কোন্ পথে পরিচালনা করানি থকর  
আমি বিনয় করে নোয়ারতাড়াই। বর্তমান পরিস্থিতি  
বিকুপ্রিয়ায় কৃষ্টি-কালচার গুপ্ত বৃত্তেও মিছানার। বৈদিক ও  
প্রাগৈতিহাসিক যুগে আমার সমাজের কর্তৃপক্ষের ভিতরে হাবি  
কমতা লাস্কর শুধু হাথেই আছিল, কাজেই রাজনৈতিক  
জীবন, রাষ্ট্রগঠন ও রাজ্য শাসন করে গেছিগা। কিন্তু পিছর  
যুগে আমি আমার পূর্ক-পুর্কর কৃত ধারাবাহিক অবদান  
থ নোয়ারলাং। কারণ নিজর ধরে নিজে রাজ্য অয়া ঐ  
ঐতিহ্য হারেইলাং। বর্তমানে খোয়াল করলে আমার সমাজে  
তার প্রমাণর অভাব না পেইবাং।

হাবি সমাজেও জাতীয় কৃষ্টি, সংস্কৃতি ও জীবন সাধনার  
গবেষণার আত্মনিয়োগ করেছি। জাতী ও সমাজর উত্থান  
পতন অবশ্যজ্ঞাবী। পরিবর্তনহে সমাজর রূপ হোতা ও  
হোতানেইর ক্রম বিবর্তন ধারাই হে সমাজর প্রকৃতি। অবশ্য  
আমার সমাজ ও জাতীয় গঠনর উপকরণ ও উপাদানর  
অভাব, তার মানেই প্রচুর ভাষার অভাব। সমাজর ধর্মর  
ইতিকথা হাবি যুগেও আছিল একাকান্ত ছদ্মবেশে আরে।  
কৃষ্টির বৈচিত্র্য ধারাবাহিক হিসাবে সমাজর বিবর্তন আনের  
কাজেই আমার সমাজরও সে পরিবর্তন নায়তই তার কোন  
থিও সিদ্ধান্ত নেই। তা বুলিয়া জাতীয় কৃষ্টির অহুগীলন এরে  
দিয়া যুমে থানার দিন নেই। নাইলে প্রগতিবীল জগতে  
হাবির পিছে পড়িরা থাইতাচার। ক্ষত্রিয়বর্ণ আধ্য জাতীর  
ইতিহাস বৈদিক যুগেও চিন করিয়া থাইলেও গত মনিপুরে  
মৈতৈ ও বিকুপ্রিয়া সমাজ বেগনির লগে লগে বিকুপ্রিয়ায়  
নিজর ঐতিহ্য পাহরলাং, যে থানি আছে ঐ থানিও মৈতৈ  
সমাজে হে আছে। মেয়ং মালয়া বৈশ্য ও শূদ্র বর্ণর জয়ারী  
অয়া থাইলাং।

মনর ভাব প্রকাশ করানিরকা কতগ শব্দ তিল করিয়া  
উচ্চারণ করিয়া ভারে হে “ভাষা” বুলিয়ার। ভাব প্রকাশ  
করানিরকা ভাষার দরকার, কিন্তু শব্দ প্রচুর নায়লে জটিল  
ভাব প্রকাশ করিল থমতা না পেয়ার। হাবি জাতীয়  
ভাষার নিজর নিজর ভাব ধারা বৈশিষ্ট্য, কৃষ্টিকলা ও ধর্ম নিজর  
ভাষার ভিতরে প্রকাশ করিল চোঁটা চিরদিন করতারা। এ  
পরায় হে জাতীর বহাবগত ধর্ম এসাদে বিকাশ করিল।  
প্রচোঁয়ার হে তামুর জাতীয় জাগরণ বার্তা প্রচার করিয়া  
আছে।

বিজাতী ভাষার পৃষ্ঠ পথল যে আমি চলানি থকর এসাদে  
কোন কথা নেই, শুধু আমার বিকুপ্রিয়ায় জিহ্বর বজায় থয়া।  
তার ভিতরে নুয়া অলঙ্কার লাগেয়া অদল বদল থানি অবশ্য  
করানি থকর, নায়লে ভাষার শক্তি ও প্রাণর উদ্বোধন কোন  
দিন নায়তই বরং পশু অয়াহে আয়তই। শ্রোয় জীগকুলানল  
গীতিস্বামীর ইঙ্গিত—

কালে কালে কালর কথা না শুনানী না করেব।

জিগয় বনহান পুড়ে আনলে কীচায় মজায় না ধরেব।

চিরাচরিত ধরা বা পদ্ধতির থানী পরিবর্তন আমার  
ভাষার মাঝে নিয়াম অবদর নার। বিকুপ্রিয়া ভাষার ভাব  
বৈশিষ্ট্য অটুট থয়া বাংলা শব্দ মাঝে মাঝে লাগেয়া ভাষার  
রূপ হংকরলে আমার সাহিত্য ভাষারও ভাষার অয়তই,  
ভাষার ভাব, শক্তি, রূপ ও প্রাণর জীবুথিয়ো অনিবারণ্য  
অয়তই। এ থানীয়ে সম্পূর্ণ ভাষা কাঠামর পরিবর্তন নার,  
মাত্র ভাষা শক্তি বৃদ্ধিরকা বুলিয়া রূপ বদলী করানী হে।

ভাষার ভিতরে প্রাণ আছে যেগর সহায়ল উদারতা  
গতীবতা, মোহ ও মুগ্ধ হাবি ভাবর বিকাশ পেয়ার, কাজেই  
ভাষার মহত্ত্ব থারতায়। শব্দ, স্বর ও উচ্চারণ ভিন্ন উচ্চারণ  
অইলে। ভাষার সৌন্দর্য থানার দরকার। কারণ ভাষায়  
হে জাতীয় মেলদও।

শব্দ বিরাট বস্তু, যারে বেদান্তে ‘ব্রহ্ম’ বুলেছি। সংসারে



প্রধান মামগ্রী হে বুলানি থকর যার কোমলতায় পেয়ার অনাবিল আমল, কটোবতায় পেয়ার তীক্স মনোবেদনা। বাস্তবিক আমার ভাষা অশুশীলন আজিকার জগতে নিতান্ত দরকার। গীতিশ্রমীর ইঙ্গিত মনে প্রাণে উপলব্ধি করিল দিন পড়িল। ভাষা সম্বন্ধে আমার যথেষ্ট সচেতন অনার দিন আহিল। আমার সমাজের শব্দ শিল্পিয়ে বিক্ষুপ্রিয়া ভাষা ভাঙার বিস্তার করানির চেষ্টা করানি থকর। সমাজের পূর্ণাঙ্গ অবয়ব গঠন করানির দাবীতে শিক্ষিত সমাজ সেবিয় হাতে লনা থকর।

শ্রদ্ধেয় শ্রীসেনা সিংহ তাঁর মনিপুর ইতিহাসে উল্লেখ করেছেন বাংলা ও মনিপুরীর মাধ্যমে বিক্ষুপ্রিয়া ভাষার সৃষ্টি কাজেই বিক্ষুপ্রিয়া ভাষা প্রাচীন ভাষা নাগয়। ঐ কারণে বিক্ষুপ্রিয়া ভাষার দাবী অগ্রাহ্য ইত্যাদি। জুনের দিবা ১৭০০ খৃষ্টাব্দের আগে মনিপুরে কোন ভাষার প্রচলন আহিল জাহার কোন উল্লেখ নেই। চিত্রাবদা চিত্রবাহন গন্ধর্ষ জাতী। বক্রবাহন অবশ্য ক্ষত্রিয় অইলোও গন্ধর্ষ সমাজে ডাঙর দাঁড়ল কাজেই গন্ধর্ষ ভাষী। সন্দেহের অস্থ না পড়িল আজিকার মৈতৈ ভাষা কি ঐ দুগর গন্ধর্ষ ভাষা? মনিপুর ইতিহাসে কোন প্রমাণ যোগ্য উল্লেখ নেই।

সন্দেহ অর বক্রবাহনর পরবর্তীকালে মনিপুর এরিয়ার নাগা, কুকী, লুসাই ও গন্ধর্ষর সংমিশ্রে মৈতৈ ভাষার সৃষ্টি বুলিয়া। এবাকান্ত মৈতৈ ভাষার ভিতরে লুসাই, নাগা ও কুকী ভাষার অনেক শব্দ পেয়ার। মেয়াং শব্দ মৈতৈ ভাষায় ব্যবহার করেছি, কিন্তু বাংলা, সংস্কৃতিত মেয়াং শব্দর উল্লেখ নেই বরং নাগা ভাষায় আছে কাজেই মেয়াং শব্দ নাগা ভাষায় আছে। তজ্জন মৈতৈ ভাষায় প্রচুর পার্জতা ভাষা আছে যেমন, লুসাই ভাষায় লু, চেম, মৈ ... ... ইত্যাদি আমি মৈতৈ ভাষায় পেয়ার।

মনিপুর, ডিমাপুর ও কোহিমা ইত্যাদিঃ কাবই বুলিল।

প্রতি সংখ্যা ১০ চারি আনা।

বৎসরে ৩৭ টাকা মাত্র।

অগ্রিম মূল্য ২৪০ আড়াই টাকা।

করিমগঞ্জ শ্রদ্ধেয় প্রেস হইতে সম্পাদ শ্রীকৃষ্ণবাবু সিংহ রাজবংশী কর্তৃক মুদ্রিত ও ছাপাছড়া কাণ্ড অঙ্কিত হইতে প্রকাশিত।

কুকী জাত আহান আহি তাহু মৈতৈ ভাষী এবং মনিপুরী বুলিয়াও সময় সময় দাবী করতারা। মৈতৈ ভাষা যে আদি ভাষা তার কোন যুক্তি সঙ্গত প্রমাণ নেই, অবশ্য বিক্ষুপ্রিয়া ভাষা বিকাশর আগে মৈতৈ ভাষার সৃষ্টি। পরিবর্তনশীল জগতে সমাজ খেয়নির লগে লগে ভাষাও যে সমাজর অনুসরণ না করতই তার মানে নেই। সমাজ ভাগর মূলে ভারতীয় কচির বৈষম্যতা কাজেই ভাষার বৈষম্য অনা থকর। মোর আলোচনাঃ মৈতৈ ভাষার লগে বিক্ষুপ্রিয়া ভাষার কোন সন্দেহ নেই তবে আজিকার জগতে বিক্ষুপ্রিয়া সমাজর আধুনিক সেবীয়ে মৈতৈ ভাষাবাদী অনা হিন পেয়তারা। বিক্ষুপ্রিয়া সমাজর শব্দ গঠনর উপাদান মৈতৈ সমাজবাংত কিস্তাউ কম নেই। অশুশীলন করলে আমার সমাজে ভাষা, সাহিত্য, সংস্কৃতি, সংগীত ও নৃত্যকলা হাবির উন্নতি অয়তই উহানায় কোন সন্দেহ নেই।

## হোভা পোহান

কাণ্ড পত্রিকার ৭ম সংখ্যাহানায় মোর ইকরা ব্যাকরণ হানাব শব্দ বারো অজান্ত লেখকর ইকরা কবিতা, প্রবন্ধর শব্দ সম্বন্ধে আলোচনা করিয়া বাংলা শব্দর পরিবর্তে বিক্ষুপ্রিয়া ঠারর শব্দ ইকরিয়া দিয়া মোরে নিয়াম হারো করেছি। উহানার মধ্যে সামান্য আকচুটি খেয়াল করিয়া চেইতে দেখলু যে তাহুর শুদ্ধ করা শব্দ উতাব মাঝেও লাল শব্দ অনেকতা আছে। যেতাউ অক এসাদে শুদ্ধ করা শব্দল লেখক গিরিগিধানীয়ে সাহিত্য সভায় যোগদান করে দিলে বা ইকরিয়া দাপেঠাদিলে আরাকৌ হারো অনা থকর। হাবির মতামতে গিয়া সেহান লেপয়তই, উহানে ঠিকহান অয়তই। তারো মতামত প্রকাশ করতে চেষ্টা করবাং।

মদন

(কোষাধ্যক্ষ)